

靈臣聞聖演雲章敷開天之奧旨科遵玉笈設祈禱之靈壇品物聿陳馨羞備薦龍駕駐通霄之永椒漿上三獻之勤太常威神光臨於濁界百靈上宰洞照於心神臣與醮官某等前世今生未曾覺悟六根三業稔積愆尤或殺害有情或侵傷庶類違真背道故作謀為罪積上官名標黑簿或在七元曹局之內或在三官官府之中或係五嶽之司或屬四瀆之簿未蒙原赦及不懺除又恐七曜加臨五行刑剋支干數盡大小運窮三命衰微九宮滯塞呪詛為障家訟為災非託上真無由解謝今則特伸懺既成冀赦除上願

宗廟保安干戈永息民無疫癘之厄時無水旱之愆賢俊登庸盜賊消弭蠻夷率服和氣周流遐邇茂愁歎之聲動植遂自然之性三途離苦六趣超升長承至道之恩永奉高真之化今則禮周三獻詞不再陳懼儀矩之講張重凡愚之過然除虞肩瀆並願赦原仰冀上界高真旋歸瑤闕下方列聖仍返仙曹流先回盼於醮筵凡懇必諧於素願臣某與醮

官等無任攀戀知歸之至誠惶誠恐稽首頓首再拜奉送真聖

舉十二願

舉存神燒香

高功復爐

香官使者左右龍虎君侍香諸靈官當令臣向來設醮壇行道之所自然生金液丹碧芝英百靈眾真交會在此香火爐前當願十方仙童玉女接待蘭煙傳臣向來所啓之誠速達徑御

至真元極大道

三清上聖

昊天玉皇上帝

舉出堂頌

引至六幕堂

道門科範大全集卷之二十四

道門科範大全集卷之二十五

傍一

三洞經錄弟子仲勵修

祈嗣拜章大醮儀

啓壇行道法事如式

舉各禮師存念如法

宣衛靈呪

東方

九炁青天 明星大神 煥照東鄉 洞映九門 轉燭陽光 掃穢除氛 開明童子 號曰玄卿 備衛我軒 上對帝君 收魔束妖 搜捕兇群 奉承正道 赤書玉文 九天符命 攝龍驛傳 普天安鎮 我得飛仙 和與道合真

南方

三炁丹天 煥景流光 熒星轉燭 洞照太陽 上有赤精 合契虛皇 開明靈童 號曰華房 總統火兵 備守玉堂 斬邪束妖 剪截魔王 北帝所承 風火莫當 流鈴交煥 翊衛壇場 正道流行 敢有巴狂 我享上功 坐運魁綱 億劫長存 保天無疆 和與道合真

西方

七炁素天 太白流精 光耀金門 洞朗大冥
中有素皇 號曰帝靈 保神安鎮 衛我身形
斷絕邪源 王道正明 宮殿整肅 三景齊并
道合自然 飛昇紫庭 靈寶符命 普惠萬生
功加一切 天地咸寧 和與道合真

北方

五炁玄天 元始徘徊 辰星燦爛 光耀大微
黑靈尊神 號曰層威 統冠飛天 仙裙羽衣
備衛五門 檢精捕非 敢有干試 豁落斬推
玉符所告 神鎮八威 邪門閉塞 正道明開
映照我身 三光同輝 策空駕浮 舉形仙飛
和與道合真

中央

一炁黃天 調理乾坤 陶鎔陰陽 總統玄真
鎮星吐輝 流煥九天 開明童子 號曰天璘
元炁陽精 焰上朱烟 洞照天下 及臣等身
百邪摧落 殺鬼萬千 中山神呪 普天使然
五靈安鎮 身飛上仙 和與道合真

鳴法鼓二十四通

無上三天玄元始三炁太上道君太上老君

召出巨身中三五功曹左右官使者左右捧
香驛龍騎吏侍香金童傳言散花玉女皇帝
直符直日香官各三十六人出出者嚴裝顯
服冠帶垂纓關啓玄壇土地方域神真巨今
啓壇行道謹奏為入意其諸忱悃已錄告聞
願得

太上十方至真道炁靈寶瑞光下降流入巨
身中令巨啓奏速達徑御
太上無極大道
昊天玉皇上帝御前

請稱法位

具位巨某與臨壇官眾謹同誠上啓
玉清聖境元始天尊上清真境靈寶天尊太
清仙境道德天尊太上開天執符御曆含真
體道昊天玉皇上帝句陳星宮天皇上帝中
天星主紫微北極大帝承天效法后土皇地
祇高上神霄玉清真王長生大帝高上神霄
玉清真王青華大帝九天應元雷聲普化天
尊九天雷祖大帝上清紫微碧玉宮太一太
天帝六天洞淵大帝六波天主帝君九天好

生可韓司文人天尊九天採訪應元保運真
君九天上帝三十二天上帝五老上帝東華
木公道君西靈金母元君日宮太陽帝君月
府太陰皇君五方五德星君二十八宿星君
北斗七元上道真君南斗六司上生真君五
福十神太一真君上清四餘四曜真君天曹

諸司真君三元三官大帝泰玄樞機三省諸
相天君玄中大法師真君三天大法師真君
北極四聖真君上清雷霆院使真君雷霆九
司列職真君九天注生監生真君九天司祿

梓潼帝君九天衛房聖母元君本靖諸省府
院司經錄法部主宰真君三天門下三元真
君上章詞表靈官五嶽五天聖帝洞天福地
靖廬治化仙官本靖祖玄真師列位真人經
籍度列位真人北陰玄天鄭都大帝東霞扶
桑丹林大帝四海龍王四瀆源王十二河源
仙官九江水帝五湖七澤大神名山大川真
宰九天金闕靈濟洪恩真君九天玉闕靈濟
洪恩真君今年某季典司風雷雨部威烈聖
眾府縣城隍里域土地遠近廟貌一切真靈

臣聞至神之化必神道者有以揆其功衆妙之門必妙物者能以索其奧默探生生之理窅窮靈臺之物品物流形際天蟠地洪惟三境帝尊十方列聖河海不足以言其大山嶽不足以擬其高惟喬嗣之綿長表吉人之

崇奉醮官某德修固覺善積而彰始也期慶嗣之克諧終也冀斯男之永保並結形於九炁同稟命於三元生神唱奉而唱恭司命敬諾而敬順悉考誕彌之月大快生化之功調六氣於洪鈞開八荒於壽域庶獲綿綿之慶載嚴翼翼之心輒按仙科仰延真馭祈世嗣於寶軸薦精悃於玉虛啓願云初供儀方嚴上以謝天地生成之澤下以祈子孫壽命之休臣等無任恭虔再拜上香淨茶上獻

散花

臣謹同誠上啓
虛无自然三清上帝昊天玉皇上帝三界十方列聖臣間化工容運空淨梵行之天大道隱存昭示好生之德剖三才而肇序布九炁

以成形念天下人民皆因父母寄胎誕育而遂得生成惟氣連玉清悉自元始播精移神而化身普度故反求諸已而我命在天隲官某受室以來添丁未兆懼承家之弗祀憂主祭之莫傳仰啓高真導迎景貺虔依科簡宿啓靈壇臣今正爾燒香皈身皈神皈命十方無極大道願以是功德普度幽明伏願三境垂光萬靈翊衛察丹誠而照鑒肅颺馭以來臨簡在帝心克昌厥後所啓玄感上御至真无極大道御前

唱方 懺方 三啓 三禮

宣真文

重稱法位

具位臣某與臨壇官衆謹同誠上啓

太上無極大道三境天尊昊天玉皇上帝勾

陳天皇大帝星主紫微北極大帝承天效法

后土皇地祇神霄九宸大帝諸天天尊諸天

天帝三界應感一切真靈臣聞元始祖劫化

生諸天二儀出胎始建寰海七竅鑿成於混

沌五文普植於神靈其回風也扇碧落以空

歌其聚烟也貴紫虛而鬱秀別生分類有開物成務之功視復考祥彰福善禍淫之訓凡繁化物敢昧傾心醮官某萬劫良因三元道養念老而無子曰獨祇自歎於窮民惟天之大德曰生爰服膺於古訓用修香火仰丐恩憐臣等謬忝治官恭修醮事存亡繼絕實仰奉於天威接物利生庶廣揚於道化凡摠誠悃敢不上聞爰有心誠謹當宣奏

宣詞

諦詳詞語灼見至誠仰句天聰曲迴赦祐竊惟九天官屬三界職司惟定罪以紀功每列言而奏簡幽明永賴巨細不遺今醮官某滌雪精神虔修齋直法天象地祇建星壇酌水獻花飯依道寶誦洞章於清夜奏雲篆於諸天降格上真伸達至願茲香示信謹周遍於十方然燈續明普光輝於九夜輒依齋法宿啓以聞恩惟太上三尊十方上聖玄中大法師監齋大法師靈寶至真三界官屬垂神鑒映省覽所陳乞初侍經威神監察曹屬傳奏土地里域真

官協力同心周旋管衛掃蕩乃外清淨壇場
降伏妖魔滅精崇使臣等心安氣定玄感
冥通啓奏上聞天恩下逮齋功成就無有窒
礙明旦行道續更啓聞謹啓

十二願

復爐

香官使者左右龍虎君侍香諸天官當令臣
向來啓壇行道之所自然生金液丹碧芝英
百靈衆真交會在此香火爐前當願十方仙
童玉女接待蘭烟傳臣向來所啓之誠速達
徑御

至真無極大道

昊天玉皇上帝御前

出堂頌 出戶

道門科範大全集卷之二十五

道門科範大全集卷之二十六二十七

三洞經錄弟子神勸修

祈嗣大醮儀

清旦行道法事如式

舉各禮師存念如法

宣衛靈呪

青陽虛映耀日回靈神虎辟邪飛天流鈴
摧奸滅試萬魔束形九微迴道八威攝精
十真校錄三元蕩清左嘯中黃右策六丁
七轉八合周旋天經聖化巍巍大道興行
慶雲流布合景黃庭和與道合真

鳴法鼓二十四通

無上三天玄元始三炁太上道君太上老君
召出臣身中三五功曹左右官使者左右捧
香驛龍騎吏侍香金童傳言散花玉女五帝
直符直日香官各三十六人出出者嚴裝顯
服冠帶垂纓關啓玄壇土地方域神真臣今
清旦行道謹奏為入意其諸忱悃已錄告聞
願得
太上十方至真道炁靈寶瑞光下降流入臣

身中令臣所啓速達徑御

太上無極大道

昊天玉皇上帝御前

請稱法位

具位臣某與臨壇官眾謹同誠上啓

虛无自然元始天尊玉晨大道靈寶天尊萬
天教主道德天尊昊天至尊玉皇上帝勾陳
星宮天皇大帝中天星主紫微北極大帝承
天效法后土皇地祇神霄真王長生大帝東
極注生青華大帝九天應元雷聲普化天尊
九天雷祖上帝上清紫微碧玉宮太一天
帝六天洞淵大帝六波天主帝君九天好生
可韓司丈人天尊九天採訪應元係運真君
九天上帝三十二天上帝五老上帝東華木
公道君西靈金母元君日宮太陽帝君月府
太陰皇君五方五德星君二十八宿星君北
斗七元上真道君南斗六司上真道君五福
十神太一真君上清四餘四曜星君天曹諸
司真君三元三官大帝泰玄樞機三省諸相
天君玄中大法師真君三天大法師真君北